

SAK 11 // ENDRING AV VEDTEKTER FOR ROLF MYKLEBUST MINNEFOND

Til: Årsmøtet

Frå: Styret

Styret har gått gjennom vedtekten for Rolf Myklebust Minnefond og funne behov for å gjere endringar i gjeldande vedtekter slik at etablert praksis for forvalting av fondet samsvarar med vedtekten.

Styret sitt framlegg til endring av vedtekter gjeld innhald i:

PARAGRAF 1

- § 1. Fondet har namnet: ROLF MYKLEBUST SITT MINNEFOND
For utgjeving av folkemusikk frå Sogn og Fjordane

Gjeldande vedteker opnar for å gje stønad til alle typar utgjevingar av folkemusikk frå Sogn og Fjordane. Fondet har svært avgrensa midlar for tildeling, og det fins ei rekke stønadsordningar både nasjonalt, regionalt og lokalt som kan gje stønad til nyinnspelingar og utgjeving av nye komposisjonar. Styret meiner difor at tildelingar frå fondet bør avgrensast til å gjelde utgjeving av eksisterande opptak og transkribert folkemusikk, då slike utgjevingar blir omfatta av færre stønadsordningar enn nyinnspelingar og utgjeving av nye komposisjonar.

Med grunnlag i dette, fremjar styret framlegg om å endre § 1 i vedtekten til følgjande:

- § 1. Rolf Myklebust Minnefond har som føremål å stø utgjeving av tradisjonell folkemusikk frå Sogn og Fjordane. Fondet gjev ikkje stønad til nyinnspelingar eller utgjeving av nye komposisjonar på notar.

PARAGRAF 5

- § 5. Fondet vert forvalta av eit fondstyre på 3 medlemar. Eit medlem frå Sogn, eit frå Sunnfjord, og eit frå Nordfjord. Medlemane i fondstyret skal vere aktive folkemusikkutøvarar som har den turvande kunnskap til å vurdere om søknaden er i tråd med statuttane for fondet. Desse vert valde av årsmøtet i Sogn og Fjordane Folkemusikklag etter tilråding frå valnemnda.
Medlemande i fondstyret med personlege varamenn vert valde for 3 år etter kontinuitetsprinsippet.

Dei siste åra har gjeldande praksis vore at styret i Folkemusikklaget har handsama søknader og gjort tildelingar frå fondet. Dette er ikkje i samsvar med gjeldande vedtekter for fondet, der det eit fondsstyre valt av årsmøtet som skal forvalte fondet. Styret meiner det ikkje er behov for å setje ned eit eige fondstyre, og at fondet kan forvaltast av styret i Folkemusikklaget.

Med grunnlag i dette, fremjar styret framlegg om å endre §5 i vedtekten til følgjande:

- § 5. Styret i Sogn og Fjordane Folkemusikklag vurderer søknader og gjer vedtak om tildelingar frå fondet.

ENDRINGAR I ANDRE PARAGRAFAR

Styret har gjort framlegg mindre språklege endringar som ikkje får konsekvensar for innhaldet i gjeldande vedtekter.

FRAMLEGG TIL NYE VEDTEKTER FOR ROLF MYKLEBUST MINNEFOND

1. Rolf Myklebust Minnefond har som føremål å stø utgjeving av tradisjonell folkemusikk frå Sogn og Fjordane. Fondet gjev ikkje stønad til nyinnspelingar eller utgjeving av nye komposisjonar på notar.
2. Grunnkapitalen i fondet er overskotet frå sal av Myklebust sine notehefte, utgjeve av Sogn og Fjordane Folkemusikklag, tilskott frå SFF og donasjonar frå organisasjonar og privatpersonar som ønskjer å heidre Rolf Myklebust.
3. Tildeling av midlar frå fondet skal ikkje skje før kapitalen har nådd 100 000,- - eitthundretusenkrone – og då berre med inntil 60% av renteinntektene. Dei attståande 40% av renteinntektene skal tilbakeførast til fondet.
4. Berre søknader som gjeld utgjeving av folkemusikk frå Sogn og Fjordane tildelast midlar
5. Styret i Sogn og Fjordane Folkemusikklag vurderer søknader og gjer vedtak om tildelingar frå fondet.
6. Endring i desse statuttane kan berre gjerast av årsmøtet i Sogn og Fjordane Folkemusikklag.